



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<16>> _Հունվարի_ 2019թ.

Ո Ր Ո Շ ՈՒ Մ No. 104 /13-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով Ա/Ձ Թամարա Սանասարի Աղաջանյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների Ա/Ձ Թամարա Սանասարի Աղաջանյանի (ՀՎՀՀ 70929742, պետ. գրանցման համարը՝ 67.01434, ծնվ.՝ 09.04.1964թ., ն/ք՝ 001065705, ՀԾՀ՝ 5904640315, հասցե՝ Տավուշի մարզ, ք. Իջևան, Թավրիզյան 10Ա) չկատարված հարկային պարտավորությունը <10> հունվարի 2019թ.-ի դրությամբ կազմել է 646.902 դրամ, որից ապառք՝ 153.344 դրամ, տույժ՝ 388.558 դրամ, տուգանք՝ 105.000 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <10> հունվարի 2019թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, վարույթի նյութերին ծանոթանալու համար չի ներկայացել և որևէ բացատրություն չի տվել, վճարումներ չի կատարել:

ՀՀ ՊԵԿ իրավաբանական վարչության պետի կողմից կայացվել է չկատարված հարկային պարտավորությունները գանձելու մասին 13.09.2017թ.-ին թիվ 1457/13- որոշումը, որի շրջանակներում վճարման ենթակա գումարը կազմում է 54.926 դրամ, որից եկամտային հարկ՝ 36.593 դրամ տույժ, շրջանառության հարկ՝ 18.333 դրամ տույժ:

Միաժամանակ վերը նշված պարտավորություններից 105.000 դրամ ՀԴՄ տուգանքը առաջացել է 20.10.2009թ. թիվ 2317445 ստուգման ակտից, ենթակա է գանձման ՀՀ վարչական դատարանի կողմից 19.10.2011թ. տրված թիվ ՎԴ2/0066/05/11 կատարողական թերթի հիման վրա ՀՀ ԱՆ հարկադիր կատարման ծառայության Տավուշի մարզային բաժնի կողմից հարուցված թիվ 11-1655/11 կատարողական վարույթով և չի ներառվում սույն գանձման որոշման մեջ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **486.976 դրամ**, որից՝

եկամտային հարկի գծով պարտավորությունը կազմում է **122.480 դրամ**, որից ապառք՝ 5.000 դրամ, տույժ՝ 117.480 դրամ, որն առաջացել է <<Եկամտային հարկի մասին>> ՀՀ օրենքի 10-րդ հոդվածի 8-րդ կետի համաձայն 2017թ. դեկտեմբեր ամսվա համար հաշվարկված 5000 դրամից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով ՀՀ հարկային օրենսգրքի 401-րդ հոդվածով հաշվարկված տույժերից,

շրջանառության հարկի գծով պարտավորությունը կազմում է **92.363 դրամ**, որից ապառք՝ 64.955 դրամ, տույժ՝ 27.408 դրամ, որն առաջացել է 2017թ.-ի 4-րդ, 2018թ.-ի 1-ին, 2-րդ և 3-րդ եռամսյակների շրջանառության հարկի հաշվարկներից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով և ՀՀ հարկային օրենսգրքի 401-րդ հոդվածով հաշվարկված տույժերից,

պարզեցված հարկի գծով պարտավորությունը կազմում է **131 դրամ** տույժ, որն առաջացել է իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից,

եկամտահարկի գծով պարտավորությունը կազմում է **272.002 դրամ**, որից ապառք՝ 83.389 դրամ, տույժ՝ 188.613 դրամ, որն առաջացել է որն առաջացել է 2012թ-ի 1-ին, 2-րդ, 3-րդ և 4-րդ եռամսյակների եկամտահարկի հաշվարկներից և իրավահարաբերության ժամանակ գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումն ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Ա/Զ Թամարա Սանասարի Աղաջանյանից գանձել 486.976 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱՔԱՆԱԿԱՆ
ՎԱՐՉՈՒԹՅԱՆ ՊԵՏ**

Ստացա որոշման օրինակը

Ստորագրություն

Կատարող՝ ԻՎ ՀԳ Բաժին,
գլխավոր մասնագետ
Հ. Մուրադյան,
հեռ.՝ 077-04-34-11

Ա. ՄՆԱՑԱԿԱՆՅԱՆ

Ա/Զ Թամարա Աղաջանյան

հարկ վճարողի Այամ ֆիլ. Անձի/Վ պաշտ. Անձի անուն ազգանուն

անստորագրվ